



Broj: 11-19/2-11-2-2476/26-V

Datum: 21.07.2026. godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavke za 2026. godinu, direktor Federalne uprave policije, d o n o s i:

O D L U K U
o poništenju Javne nabavke rekreacione opreme
LOT 5 – Nabavka opreme za trim kabinet

I

Prihvata se prijedlog Komisije za provođenje otvorenih postupaka nabavke u postupku Javne nabavke rekreacione opreme - Nabavka opreme za trim kabinet (LOT 5), te se isti **poništava** u skladu sa odredbom člana 69. stav (2) tačka d) Zakona o javnim nabavkama BiH.

II

Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).

III

Ova Odluka stupa na snagu danom donošenja.

IV

Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije provela je otvoreni postupak Javne nabavke rekreacione opreme – LOT 5 – Nabavka opreme za trim kabinet, po Obavještenju o javnoj nabavci broj: 1412-1-1-154-3-145/26 od 10.06.2026. godine, objavljenom u „Službenom glasniku BiH“ broj: 42/26 od 19.06.2026. godine. Procijenjena vrijednost nabavke za LOT 5 iznosila je 42.632,44 KM bez PDV-a.

Postupak je provela Komisija za provođenje otvorenih postupaka nabavki za 2026. godinu.

U postupku je utvrđeno da je Komisija u svemu postupila pravilno.

Dana 02.07.2026. godine Komisija za provođenje otvorenih postupaka javnih nabavki za 2026. godinu izvršila je otvaranje ponuda u postupku javne nabavke rekreacione opreme, o čemu je sačinjen Zapisnik o otvaranju ponuda, u koji su uneseni svi podaci propisani članom 63. stav (4) i (5) Zakona o javnim nabavkama.

Na osnovu Zapisnika o pregledu i ocjeni ponuda utvrđeno je da je Komisija blagovremeno i pravilno izvršila pregled i ocjenu ponuda, te konstatovala sljedeće:

- da je za LOT 5 – Nabavka opreme za trim kabinet zaprimljena jedna (1) blagovremena ponuda ponuđača „OLYMP SPORT“ d.o.o. Banja Luka;
- da nije bilo neblagovremeno zaprimljenih ponuda;
- da je Komisija izvršila pregled ponude i utvrdila da je ista nepravilna, jer ponuđač nije dokazao ispunjavanje svih tehničkih i funkcionalnih zahtjeva propisanih tenderskom dokumentacijom, i to:
 - Na osnovu dostavljene dokumentacije (kataloga) nije moguće utvrditi da ponuđeni SET PLOČA (TEGOVA ZA OLIMPIJSKU ŠIPKU) ispunjava tražene tehničke i funkcionalne zahtjeve. Naime, iz kataloga nije vidljivo da je: **izrada precizno balansirane ploče uz toleranciju težine maksimalno +/- 2%**, niti da je **otvor ploče ojačan metalnim prstenom (od inoksa ili čelika) radi dugotrajnosti**. Također, iz dostavljene dokumentacije nije vidljivo da je ponuđeni set ploča za olimpijsku šipku **proizveden u skladu sa standardima International Weightlifting Federation za takmičarsku opremu**, kako je traženo tenderskom dokumentacijom;
 - Na osnovu javno dostupnih tehničkih specifikacija, kao ni iz dostavljenog kataloga, nije moguće utvrditi da ponuđeni PROFESIONALNI STAIRCLIMBER/STEPMILL TRENAŽER APUS Stair Trainer S7 TFT ispunjava zahtjev iz tenderske dokumentacije koji glasi: „**Ekran: 10" LCD ekran ili ekvivalentan displej sa prikazom podataka o treningu (vrijeme, brzina, potrošene kalorije, koraci, puls itd.)**.“ Naime, u dostavljenom katalogu nije naveden podatak o veličini displeja, niti je navedenu informaciju moguće potvrditi na osnovu javno dostupnih tehničkih specifikacija;
 - Na osnovu dostavljenog kataloga nije moguće utvrditi da ponuđena OLIMPIJSKA ŠIPKA ispunjava sve tehničke i funkcionalne zahtjeve propisane tenderskom dokumentacijom. Naime, iz dostavljene dokumentacije nije vidljivo da je **šipka izrađena od visokokvalitetnog opružnog čelika (spring steel ili ekvivalent), da posjeduje visoku otpornost na savijanje i deformaciju, niti su navedeni podaci o završnoj obradi proizvoda**. Također, iz dostavljenog kataloga nije vidljivo da ponuđena olimpijska šipka ispunjava funkcionalne zahtjeve koji se odnose na **pogodnost za intenzivnu i svakodnevnu upotrebu, da rukavi (sleeves) omogućavaju sigurno i stabilno postavljanje ploča, da proizvod ima visoku otpornost na koroziju i habanje**, kao ni da je proizvedena u skladu sa standardima International Weightlifting Federation za takmičarsku opremu, kako je zahtijevano tenderskom dokumentacijom;
 - Na osnovu dostavljenog kataloga nije moguće utvrditi da ponuđeni MULTIFUNKCIONALNI TRENAŽER ZA NOGE ispunjava sve tehničke i funkcionalne zahtjeve propisane tenderskom dokumentacijom. Naime, iz dostavljene dokumentacije nije vidljivo da **uređaj pripada profesionalnoj seriji ili ekvivalentu, niti da ispunjava zahtijevane bezbjednosne standarde ISO20957, GB17498-2008 ili ekvivalent, kao ni da posjeduje NSCC ili ekvivalentnu profesionalnu certifikaciju**. Također, iz dostavljenog kataloga nije vidljivo da **uređaj koristi selektorski sistem otpora (tegovi), niti su navedeni podaci o ciljanim mišićnim grupama i dijelovima tijela koje uređaj aktivira**. Nadalje, iz dostavljenog kataloga nije vidljivo da **uređaj posjeduje dvostranu potpunu zaštitnu masku za sigurnu upotrebu, niti su navedeni podaci o boji tapacirunga, plastike i regulatora**, kao što je zahtijevano tenderskom dokumentacijom. Pored toga, iz dostavljenog kataloga nije moguće utvrditi da ponuđeni uređaj **ispunjava funkcionalne zahtjeve koji se odnose na pogodnost za višekorisničku upotrebu u profesionalnim treninzima, otpornost materijala i završne obrade na habanje i**

dugotrajan rad, kao ni kompatibilnost sa odabranom opcijom tegova za prilagođavanje intenziteta vježbe, kako je zahtijevano tenderskom dokumentacijom;

- Na osnovu dostavljenog kataloga nije moguće utvrditi da ponuđeni MULTIFUNKCIONALNI FULL RACK SISTEM ispunjava sve tehničke i funkcionalne zahtjeve propisane tenderskom dokumentacijom. Naime, iz dostavljene dokumentacije nije vidljivo da je **konstrukcija izrađena od čeličnih profila dimenzija 60 × 2 mm od čelika visokog kvaliteta**, kako je zahtijevano tenderskom dokumentacijom. Također, nije moguće utvrditi da uređaj posjeduje **multifunkcionalni hvat za zgibove, pogodan za izvođenje različitih vrsta povlačenja i zgibova**, niti da omogućava **minimalno 18 nivoa podešavanja visine za postavljanje olimpijske šipke**. Nadalje, iz dostavljenog kataloga nije vidljivo da uređaj **omogućava izvođenje vježbi sa sopstvenom težinom i olimpijskom šipkom na način prilagodljiv različitim korisnicima**, niti da je izrađen **od čelika visokog kvaliteta otpornog na habanje i koroziju**. Također, iz dostavljenog kataloga nije vidljivo da su uz uređaj **obezbjedene 2D ili 3D ilustracije vježbi i uputstvo za sigurnu upotrebu**, kako je zahtijevano tenderskom dokumentacijom. Pored toga, nije moguće utvrditi da ponuđeni uređaj ispunjava funkcionalne zahtjeve koji se odnose na **višestruke položaje hvatova i visine za šipku, pogodne za profesionalnu i višekorisničku upotrebu**, kao ni da **sigurnosni sistemi (stabilni nosači i zaštitni elementi) omogućavaju bezbjedan rad korisnika**, kako je zahtijevano tenderskom dokumentacijom;
- Na osnovu dostavljenog kataloga nije moguće utvrditi da ponuđena MULTIFUNKCIONALNA OPREMA ZA TRENING SA INTEGRISANIM SISTEMOM (SMITH) ispunjava sve tehničke i funkcionalne zahtjeve propisane tenderskom dokumentacijom. Naime, iz dostavljene dokumentacije nije vidljivo da je uređaj **prilagođen korisnicima maksimalne težine 150 kg i visine 155–195 cm**, niti da omogućava korištenje **selektorskog sistema otpora (tegovi sa iglom) ili slobodnih tegova (ploča)**, kako je zahtijevano tenderskom dokumentacijom. Također, iz dostavljenog kataloga nije vidljivo da uređaj predstavlja **višenamjenski sistem koji omogućava izvođenje različitih vježbi za sve mišićne grupe**, niti su navedeni **podaci o ciljanim mišićnim grupama** koje uređaj obuhvata. Nadalje, iz dostavljene dokumentacije nije moguće utvrditi da je **materijal cijevi funkcionalni i spojni dio izrađen od visokokvalitetnog čelika donji dio i regulaciona cijev**, da uređaj posjeduje **ergonomski oblikovane rukohvate**, niti da ispunjava zahtijevane **bezbjednosne standarde ISO 20957, GB17498-2008 ili ekvivalent**. Također, iz dostavljenog kataloga nije vidljivo da uređaj posjeduje **integrisani sigurnosni mehanizam zaključavanja za bezbjednost korisnika**, **kružnu cijevnu ručku**, **linearne ležajeve**, **šest nosača za odlaganje ploča nosivosti do 150 kg po nosaču**, kao ni da su uz uređaj **obezbjedene 2D ilustracije vježbi ili ekvivalent**. Pored toga, nije moguće utvrditi da ponuđeni uređaj ispunjava funkcionalne zahtjeve koji se odnose na **jednostavnu izmjenu težinskih ploča ili selektorskih tegova**, **kompatibilnost sa dodatnim priborom (šipke, ručke, klupe) radi povećanja broja vježbi**, **stabilnu i izdržljivu konstrukciju pogodnu za profesionalnu upotrebu**, kao ni da **sigurnosni sistem omogućava bezbjedan rad korisnika**, kako je zahtijevano tenderskom dokumentacijom;
- Na osnovu dostavljenog kataloga nije moguće utvrditi da ponuđeni ERGOMETAR TIPA „SANKE“ (SLED) ispunjava sve tehničke i funkcionalne zahtjeve propisane tenderskom dokumentacijom. Naime, iz dostavljene dokumentacije nije vidljivo da je uređaj **dizajniran na način da osigurava stabilne i sigurne radne uslove bez prevrtanja ili deformacije pod opterećenjem**, kako je zahtijevano tenderskom dokumentacijom. Također, iz dostavljenog kataloga nije vidljivo da uređaj **posjeduje mogućnost**

prilagođavanja položaja za različite korisnike. Nadalje, nije moguće utvrditi da je uređaj namijenjen trajnoj i stabilnoj višekorisničkoj upotrebi u profesionalnom okruženju, niti da omogućava intuitivno korištenje bez upotrebe posebnih alata. Pored toga, iz dostavljenog kataloga nije moguće utvrditi da ponuđeni uređaj ispunjava funkcionalne zahtjeve koji se odnose na **pogodnost za funkcionalne treninge snage i izdržljivosti, siguran rad korisnika različite tjelesne težine i nivoa fizičke spremne, otpornost materijala i sastavnih elemenata na habanje i mehanička oštećenja pri intenzivnoj višekorisničkoj upotrebi**, kao ni da **posjeduje stabilnu bazu i sigurnosne elemente koji sprečavaju neželjeno pomjeranje ili prevrtanje tokom vježbanja**, kako je zahtijevano tenderskom dokumentacijom;


- Na osnovu dostavljenog kataloga nije moguće utvrditi da ponuđeni ERGOMETAR (VESLAČKI TRENAŽER) ispunjava sve tehničke i funkcionalne zahtjeve propisane tenderskom dokumentacijom. Naime, iz dostavljene dokumentacije nije vidljivo da je **sistem prenosa konstruisan sa glatkim klizanjem uz minimalno održavanje, niti da je uređaj isporučen sa jasno definisanim uputama za korištenje**. Pored toga, nije moguće utvrditi da ponuđeni uređaj ispunjava funkcionalne zahtjeve koji se odnose na **prikaz svih relevantnih parametara treninga na konzoli, pogodnost za korisnike različitih nivoa fizičke spremne**, kao ni da **posjeduje stabilnu i izdržljivu konstrukciju pogodnu za dugotrajnu profesionalnu upotrebu**, kako je zahtijevano tenderskom dokumentacijom;
- Na osnovu dostavljenog kataloga nije moguće utvrditi da ponuđeni ERGOMETAR/TRENAŽER SA VAZDUŠNIM OTPOROM ispunjava sve tehničke i funkcionalne zahtjeve propisane tenderskom dokumentacijom. Naime, iz dostavljene dokumentacije nije vidljivo da uređaj koristi **kombinaciju vazdušnog i magnetnog sistema otpora sa mogućnošću ručnog podešavanja**, niti da omogućava **ručno podešavanje otpora u najmanje 10 nivoa**, kako je zahtijevano tenderskom dokumentacijom. Također, iz dostavljenog kataloga nije moguće utvrditi da uređaj koristi **baterijsko napajanje (npr. AA baterije)**, niti da **LCD displej omogućava prikaz svih traženih parametara treninga, odnosno vremena, brzine, razdaljine, potrošenih kalorija i pulsa (otkucaji u minuti)**. Nadalje, nije moguće utvrditi da uređaj **posjeduje stabilne i prilagodljive pedale ili platformu**, niti da je **pogodan za intenzivne treninge**, kako je zahtijevano tenderskom dokumentacijom. Također, iz dostavljenog kataloga nije vidljivo da se uređaj **isporučuje sa jasno definisanim uputama za korištenje**. Pored toga, nije moguće utvrditi da ponuđeni uređaj ispunjava funkcionalne zahtjeve koji se odnose na **prirodnu promjenu otpora proporcionalno snazi povlačenja ili naporu korisnika, mogućnost podešavanja sistema otpora u više nivoa radi prilagođavanja različitim nivoima fizičke spremne, jasan prikaz svih relevantnih parametara napretka na ekranu**, kao ni da **posjeduje stabilnu, izdržljivu konstrukciju pogodnu za profesionalnu upotrebu**, kako je zahtijevano tenderskom dokumentacijom.
- Na osnovu dostavljenog kataloga nije moguće utvrditi da ponuđene BUČICE PROFIL 2.5 – 30 kg ispunjava sve tehničke zahtjeve propisane tenderskom dokumentacijom. Naime, iz dostavljene dokumentacije nije moguće utvrditi da su **rukohvati protivklizni**, niti da je **težina jasno i trajno označena na svakoj bučici**, kako je zahtijevano tenderskom dokumentacijom.
- Pored navedenog nije dostavljena Izjava ponuđača da ponuđeni artikli zadovoljavaju tehničke karakteristike traženo tačkom 13.3. Tenderske dokumentacije;
- Nije dostavljena Izjava ponuđača za dostavljanje garancije za dobro izvršenje ugovora traženo tačkom 29. Tenderske dokumentacije.

Imajući u vidu da je jedina zaprimljena ponuda ocijenjena kao nepravilna, Komisija je predložila da se, u skladu sa članom 69. stav (2) tačka d) Zakona o javnim nabavkama Bosne i Hercegovine, donese Odluka o poništenju postupka javne nabavke za LOT 5 – Nabavka opreme za trim kabinet, što je konstatovano u Zapisniku o pregledu i ocjeni ponuda od 14.07.2026. godine.

Razmatrajući prijedlog Komisije, direktor Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**DIREKTOR**
GLAVNI GENERALNI INSPEKTOR POLICIJE
Igor Marić


Dostaviti:

- Sektor za finansije i javne nabavke
- u spis